

慶遠府志卷八

食貨志

積貯

宋

周去非嶺外代答曰廣西斗米五十錢穀賤莫甚焉夫其賤非誠多穀也正以生齒不蕃食穀不多耳田家自給之外餘悉糶去曾無久遠之積富商以下價糶之而舳艫銜尾運之番禺以罔市利名曰穀賤其實無積貯爾州郡久不賑發一連遇大凶年米斗僅至二百錢則人民已有流離之禍州縣拱手無策以處之然則穀賤之果不足恃也如此若夫以新易陳在州郡所得爲之事曰歛曰散曷不於樂歲廣糶以爲之備乎

慶遠府志

卷八

食貨志積貯

一

明

續通考云宏治三年五月定預備倉糧州縣每十里以上積糧一萬五千石州縣官考滿稽其備荒積穀多少以爲殿最

嘉靖八年令撫按曉諭積糧之家量其所積多寡以禮勸助

國朝

慶遠府廣盈倉貯穀一萬二千石

各州縣常平倉原貯穀三萬二千石雍正八年東蘭州改流應貯穀二千五百石共貯穀三萬四千五百石雍

正十年荔波縣改隸黔省除存倉貯穀六千石實共貯穀二萬八千五百石

各州縣分貯捐納穀共一萬零五百石雍正十年荔波縣改隸黔省除分貯捐納穀二千石實共分貯捐納穀八千五百石

各州縣社倉穀共六百一十石零二斗九升雍正八年東蘭州改流添貯社倉穀三百八十五石共社倉穀九百九十五石二斗九升雍正十年荔波縣改隸黔省除社倉穀二百三十四石五斗五升實共社倉穀七百六十石零七斗四升零

各州縣撥剩存倉米改穀三萬三千八百零三石八斗

慶遠府志

卷八

食貨志積貯

二

九升零

宜山縣常平倉穀一萬四千四百八十九石五斗二升零

德勝倉穀一萬四千九百八十二石二斗八升

龍門司倉穀六百二十四石八斗五升五合

白土司倉穀三百一十七石一斗五升

以上共穀三萬零四百一十三石八斗一升零
天河縣常平倉穀一萬八千八百七十二石七斗八升
三合四勺零

四鄉義倉穀一萬九千二百六十三石七斗三升四合零

河池州常平倉穀一萬六千七百零五石六斗一升六合三勺零

常平倉米八百零二石二斗六升六合一勺零

思恩縣常平倉穀一萬八千四百石零四斗零三合

常平倉米九百九十五石九斗七升零

四鄉義倉社倉穀一千九百六十一石五斗八升

東蘭州常平倉穀二千五百石

社倉穀三百八十五石

按以土舊志所載係乾隆十九年以前額數今將現貯穀石昭府冊開具於後

慶遠府

慶遠府志

卷八

食貨志積貯

三

各州縣貯常平倉穀六萬二千三百四十九石七斗六合

一勺

捐納監糧穀四千五十八石一斗

社倉額貯穀一萬七千五百八十九石二斗息穀八百

七十石六斗四升三合三勺

義倉穀三千一百三十九石六斗八升七合九勺

軍流遣犯口糧本穀八百五十石息穀一百五十七石

九斗五合

按此項息穀隨時支銷不在存貯之數

巡檢並土司分貯常平倉穀一萬六千八百三十五石五

斗

社倉穀一千九百一十石零八斗息穀四百一十二石
一斗六升

義倉穀三十六石三斗

以上府屬各廳州縣並巡檢土司共貯穀十萬零八
千二百十石零二合三勺

宜山縣

常平倉額貯穀一萬三千零五石四斗五升六合一勺
捐納監糧穀三千一百五十九石

社倉額貯穀四千九百四十四石二斗

義倉穀一千三百二十七石八斗零二合六勺

□流遣犯口糧本穀一百五十石

慶遠府志

卷八

食貨志積貯

四

德勝司巡檢分貯常平穀一萬六千八百三十五石五
斗社倉穀四百石

龍門司巡檢分貯社倉穀四百石息穀一百二十石

白土司巡檢分貯社倉穀二百石息穀一百四十石

忻城土縣分貯社倉穀五百五十五石八斗息穀八十
一石一斗六升

以上共穀四萬一千三百一十八石九斗一升八合
七勺

天河縣

常平倉額貯穀一萬四千石

捐納監糧穀二百四十三石

社倉額貯穀三千石息穀四百五十二石七斗一升

義倉穀七百七十七石八斗一升八合六勺

軍流遣犯口糧本穀一百五十石

以上共穀一萬八千六百二十三石五斗二升八合六勺

河池州

常平倉額貯穀一萬五千石

社倉額貯穀三千五百石

義倉穀五百十七石一斗一升

軍流遣犯口糧本穀二百石

以上其穀一萬九千二百十七石一斗一升

慶運府志

卷八

食貨志積貯

五

思恩縣

常平倉額貯穀一萬八千石

社倉額貯穀三千五百石息穀四百十七石九斗三升

三合三勺

義倉穀五百十六石九斗五升六合七勺

軍流遣犯口糧本穀二百石

以上共穀二萬二千六百三十四石八斗九升

東蘭州

常平倉額貯穀二千石

社倉額貯穀二千六百四十五石

軍流遣犯口糧本穀一百五十石

東蘭土州同分貯社倉穀三百五十五石息穀七十一石義倉穀三十六石三斗

以上共穀五千二百五十七石三斗

德勝同知

常平倉額貯穀三百四十四石二斗五升

監糧穀六百五十六石一斗

以上共穀一千石三斗五升

理苗縣丞

社倉穀二千石息穀五百七十八石六斗六升

按此項係乾隆元年將追繳莫子謙等田價充公

銀兩買穀二百石貯倉以備借糶不入 奏銷自

慶遠府志

卷八

食貨志積貯

六

乾隆十一年詳請出借每年加一收息嘉慶四年詳准以本穀二千石爲定額餘溢息穀五百七十八石六斗六升均貯在倉

藉田歲收穀數

宜山縣五石 天河縣十五石 河池州十二石

思恩縣八石二斗 東蘭州八石

鹽引

按舊志所載歷朝鹽務與慶遠無涉茲摘其有關於本郡者數條

宋

廉州白石石康二場鹽給宜柳等州初官搬官賣紹興

後用鈔法官領鈔鬻於民民以鈔領鹽謂之客鈔其中不無抑售之弊未幾復止然官搬客鈔亦屢有更革淳熙六年臣僚上言廣西州郡恃鹽以爲食而制其輕重之權者轉運使也然一路地理之遠近舟車之便否戶口之多寡商旅之去來郡異而縣不同如邕宜等州民戶稀少不通行旅所賣之鹽不過木數而常患數多欲望運司使之度一路利便別行裁定

元

至正間始設鹽引慶遠路鹽引屬石康鹽課提舉司

明

洪武二年置廣東鹽課提舉司萬歷二年置鹽運司副

慶遠府志

卷八

食貨志鹽引

七

提舉二員於梧州使相輸灌謂之官運慶遠府鹽引屬之是時廣東庶富鹽歸商販廣西民貧商不樂趨鹽歸官賣

國朝

行銷鹽斤原係埠商水客康熙二十一年因商客無現銀查令殷實商客分運三十二年革去水客總歸埠商辦運四十六年將總商禁革令各州縣自募土著殷商承充雍正二年將西省引鹽改歸官運官銷乾隆二十三年將各官埠概行招商承充

康熙三十二年每一大引改爲十小引每引行鹽二百六十觔四兩

雍正二年改照淮鹽例每引配鹽二百三十五斤雍正十年將廣西秤頭餘鹽銀兩於廣東買鹽二萬四千包運至梧州存貯以備西省乏鹽時配發乾隆四年題准廣西灘高水急挽運需時一運未到小民未免淡食將梧州備鹽二萬四千包酌量分駐慶遠府三千包交與知府運回經管十八年覆准廣西官辦引鹽皆責成知府督銷三十二年將餘鹽改設引目行銷又帶銷秤頭鹽

康熙六年思恩知縣翁世庸懇免行派鹽引詳爲懇陳行鹽之苦實切邊徼之憂仰祈懇拯時艱以安蠻邑事切照思恩一縣彈丸蠻地也自康熙三年爲始每

年額銷引目四十六道有奇計鹽六百四十五包有奇此在康熙四年十月內始奉之文也詎知引鹽爲蠻方亘古未有之事百姓苦苦求饒卑縣哀請再四業經通行勢難徼倖冀免又不敢苛派民間自貽伊戚卑縣設法借僉本縣商人韋覃美赴東折運僅得一百四十包自四年十月內入東至鹽引之日已在五年四月矣尙係自運之鹽價輕猶易銷售計三四五各年之考成尙逋引一百二十八道未運鹽一千八百包一併督催如火卑縣轉運維艱萬不得已任貴轉買商人馮河達三年分引鹽二百包零計索價一千六百兩又前任李知府招商代韋覃美運五年

分引鹽一百五十四包計索價一千四百六十三兩
又商人陳益運五年分引鹽八十四包計索價六百
七十二兩又韋覃美赴梧折運四年五年分引鹽三
百包計用價一千九百兩通共計鹽八百三十餘包
計銀五千二百餘兩合三四五各年之鹽尙缺一千
餘包合三四五各年之引尙缺七十餘道卑縣揭債
通融又買梧柳商人溢引以補不足希圖冊報全完
無非剝肉補瘡嘔心瀝血遂至索逋滿縣愁嘆盈門
且計窮而力竭區區此心亦不過顧此窮黎之性命
保此邊徼之塊土耳蓋自康熙四年十月內始買東
引至康熙五年四月內始議行鹽當集閣邑紳衿里

老公議每年按季疏銷每季發鹽八十包今計康熙
五年所發止及三百餘包亦無暇與民論及某年應
銷若干也而蠻民終不知何者爲引目其餘堆積鹽
五百餘包雖非六年引目自應於六年分發不意今
春卑縣傳諭按季發鹽百姓聞之登山飲血闕然不
服乃再三撫諭據衆民乃來哀告云官鹽止行一年
比正賦錢糧業已增多數倍我等非不欲食鹽實因
無銀買鹽自祖相傳以來惟淋灰水爲味不知鹽味
之妙若六年分又要行鹽我等情願流移他鄉外省
今春之鹽卽賣每包一兩也要銀子納官我等窮苦
從何處來斷不敢遵等情卑縣又加委曲安慰衆民

闕然撒去覩此光景卑縣不禁愴然流涕一以哀百姓之流離真無長策一以思微官之考課萬難報完也數日之內遂有傳聞某村居民已盡行逃散者有稟稱因去年鹽價難償某人已賣男鬻女者有相率而攜釜負擔竄入土司荔波天河羅城者種種駭狀繪圖難形在卑縣當日之再四申籲猶爲筆下之煩文在邊邑今日漸變之輿情已有堪憂之實事矣爲有司者目擊情形而不報倘地方有事難免尸位之條身視民瘼而不聞卽田畝拋荒更有應罰之例惟是最難拮据者如各處鹽商之重價粉身莫補見在堆積之鹽包百計難行卑縣籌度經年思維終夜今

六年分額定引鹽又應屆期買運而堆積難銷其勢更加危迫縱令官民俱斃其於國稅何益乎敢懇上臺主持或特賜題減十分之六七則輕省易行或移令他處溢額大地代行十分之七八亦暫解倒懸總之行鹽在稍繁之地卽坐銷千百包爲易而在竒蠻之邑卽一二十包俱屬萬難此在上臺明見久及卑縣目覩應言者耑候立賜批行以慰民望以救民命者也事關鹽法重務實切邊地隱憂官雖不惜命實堪虞哀切呈詳淚隨筆落矣

雍正十二年將粵東各場餘鹽酌撥西省運銷慶遠配運惠州白沙澈下二場生鹽每額鹽十包加銷餘鹽二

包行各土司運銷慶遠七土司行銷餘鹽七百五十包
分給帑本運脚銀六百六十九兩六錢由府買運行銷
扣留帑本運脚爲下年買運之費所有應完羨餘節省
等銀由府按年批解鹽道乾隆五十五年改埠歸綱經
知府王湖將原領帑本運脚銀兩交慶遠埠商領收留
埠代運土司鹽包

宜山縣

額引五百四十一道

餘鹽改引六百三十六道

羨餘增引一千六百道

帶銷秤頭鹽一百六十八包一百三十二斤十三兩

慶遠府志

卷八

食貨志鹽引

十一

額征西稅銀四百二十五兩二錢二分三毫

額征東餉銀一千四百八十九兩三錢二分九釐零

天河縣

額引八十二道

餘鹽改引五百道

羨餘增引四百五十道

帶銷秤頭鹽八十三包七十四斤十一兩

額征西稅銀六十四兩四錢五分一釐零

額征東餉銀七百三十六兩三錢三釐零

河池州

額引三百五十六道

羨餘增引三百五十道

帶銷秤頭鹽五十一包十一斤二兩

額征西稅銀二百七十九兩八錢一分二釐零

額征東餉銀四百五十兩四錢三釐零

思恩縣

額引四百六十一道

餘鹽改引一百四十四道八分九釐四毫

羨餘增引七百五十道

帶銷秤頭鹽八十二包九十三斤四兩

額征西稅銀三百六十二兩三錢四分一釐零

額征東餉銀七百二十八兩六錢八釐零

慶遠府志

卷八

食貨志鹽引

十二

東蘭州

例無額引行銷餘鹽一百三十包潮秤一萬九千五百

觔自雍正十二年始

南丹土州

例無額引年銷餘鹽一百八十包潮秤二萬七千觔

那地土州

例無額引年銷餘鹽一百包潮秤一萬五千觔

東蘭土州同

例無額引年銷餘鹽一百包潮秤一萬五千觔

忻城土縣

例無額引年銷餘鹽一百二十包潮秤一萬八千觔

永定長土司

例無額引年銷餘鹽七十包潮秤一萬零五百觔

永順長土司

例無額引年銷餘鹽四十二包潮秤六千三百觔

永順副土司

例無額引年銷餘鹽八包潮秤一千二百觔

物產

按尋常諸物所在多有不復考證惟本土所生較異於他郡者乃特詳其出處

穀類 白稷俗名大米慶地水田皆種九十月間熟連稈穗剪收束爲禾把慶郡穀食此爲第一 紅稷米紅

慶遠府志

卷八

食貨志鹽引

十三

鬚稷 無鬚稷俱九十月間熟各屬皆有 白糯殼有

黃白米皆白水田多種九月熟思恩尤多 紅糯殼米

俱紅 石榴糯壳黃米白俱九月熟 黏糯殼黃米白

早糯殼紅米白俱七月熟 大糯 黑糯米黑釀酒

佳俱十月熟南丹獨多 白黏米色獨佳 六禾黏俱

六七月熟 百日黏由播至穫計百日 蛆黏粒長

黃桐黏 牛扒黏俱八九月熟 香稻色味香美天河

出 麩麥初無種康熙六十年耆民陳慶邦始白桂林

買回散布今成盛產 蕎麥有春冬二種 燕麥鬚長

俗謂之飯麥亦謂之毛麥 穆子俗名產子又名鴨脚

粟性耐旱穗三四岐拳屈如指爪粒細色紅黑調粥可

食 高粱莖紫葉長 黃白黍早晚二種俗謂之粟米
芝蔴莖方葉細 苞穀一名玉米似高粱而苞從節
間生有早晚二種山峒尤多 薏苡米澗邊多有 黃
豆五六月熟者爲宜山盛產十月熟者各屬俱有 青
豆 大豆 黑豆 菘豆 蠶豆 豌豆嫩時葉可食
飯豆肉食糖食俱宜 豇豆青紅二種俗謂之豆角
綿豆 赤豆俗名相思豆生於深山 刀豆 扁豆
皂角豆 龍爪豆俗謂之狗爪豆 虎斑豆俗名羊
眼豆 禾籃豆有二種開白花者食殼開紅花者食子
貓豆用染黑色

蔬類 京白菜甘脆肥美蔬中第一近年始出其種本自

慶遠府志

卷八

食貨志物產

十四

京中來 青菜 芥菜 芥蘭菜 菠菜 蔞菜 芹
菜 蕨菜 生菜 椿芽菜 烏菘菜 鷄骨菜 豬
耳菜河池出土人於清明採食 鹿角菜 黃連菜
苦蕒菜 葱 蒜 韭 薤 芫荽 茼蒿 春筍
冬筍 苦筍 甜筍晒成筍乾味頗佳 棚筍 茭筍
蘿蔔 紅蘿蔔 山藥 黃薯 紅薯 狗爪芋 雞
蛋芋 慈菇田生大如雞卵 蓮藕 東瓜白土出者
佳 南瓜俗名金瓜 黃瓜 青瓜 苦瓜 菜瓜
絲瓜俗名水瓜 香瓜 土瓜 斑瓜 西瓜 矮瓜
葫蘆 瓠子 茄子 香菌 杉菌生杉樹上甘平
無毒 木耳永順口尤多 生薑 襲荷河池出土

人呼爲馬薑 藺苴形如蕞荷河池出 茶辣卽茱萸
辣椒 花椒 芫椒 豆芽 豆腐皮天河較佳
蕨粉 藕粉 百合粉忻城出 蔓藤生深山中配枳
椰食 烟葉德勝尤佳 茶葉出思恩古心峒者佳
薑心菜俗名油菜子可榨油

菓類 荔枝東蘭出佳知府商盤荔枝詩序東蘭州向有
荔枝樹七本園丁給以官田熟時馳送郡城其品不
亞香山以少爲貴凡物皆然因賦此詩爲愛輕紅入
瘴鄉此間亦有宋家香園官莫惜殷勤護要試盈盈
十八娘舊聞南漢紅雲宴今見東蘭白雪肌身似坡
翁居嶺表年年噉荔有新詩 龍眼形小味薄 香

椽形如柚略長味甘香 橄欖色青圓長味酸澁鹽清
食佳 石榴厚薄皮二種 楊梅色紅味酸 梅子味
酸鹽漬佳 櫻桃紅鮮可愛 李子有猪血黃臘苦郁
水各種 梨子多澁惟雪梨沙梨美 橘子 柚子有
紅白瓢酸甜各種 柑子厚薄縐皮三種酸甜不一
佛手柑形如人手握拳味甘香 密統形如柚略大味
極酸 黃皮果葉小幹粗 栗子高樹叢結 石栗與
粟同南方草木狀云生於山石罅間花開三年方結實
其穀厚而肉少其味似胡桃仁熟時或爲羣鸚鵡至啄
食略盡故彼人殊珍貴之 甘蔗色紫味甜 杏子
桃椰子不可食 羌桃 柿子形如柑高樹 楊桃

飯桃 冬桃 胡桃卽核桃 蓮子 林檎 九層皮
包黑實如栗 山桃 蕉子 棗子 林猛味極酸鹽
漬十餘年佳 金斗子 枇杷核大味酸樹高 椎子
形如豆而尖穀堅有苦甜二種 倒捻子一名逃軍糧
野生 葶薺野生者小田種者大 落花生食不盡用
以榨油 葡萄有黑青二種惟有水晶佳 菱角 茶
子可榨油天河出 桐子可榨油
以上食物

花類 梅花有紅白二種 桃花深淺絳不一色有單瓣
重瓣二種 杏花 李花 梨花 石榴花有單重二
種又有一種四季榴千葉榴 桂花有秋月二種 海

棠花 繡毬花 茉莉有重單二種 菊花有黃白紅
紫數色大小各種 薔薇布葉牽藤有刺紅白二種
鷄冠花形如雞冠莖葉皆赤 夜合花香幽晝開入夜
則合株矮 芭蕉 荳蔻 金錢花 月月紅 蘭花
有火蘭素心蘭二種 茶花有紅白二色 木蘭極清
香 魚子蘭形如魚卵有鷹爪蘭珠蘭二種 洋繡毬
南丹有色變如木芙蓉摘插瓶中可供月餘玩賞 牡
丹南丹州有獨紅色 芙蓉有添色芙蓉花晨開正白
巳午微紅夜深紅 紫荊花 蜀葵花黃葉圓小 鳳
仙花俗名指甲花女子取染指有數色 木棉花如茶
花春日盛開四野如罽 萱花 荷花紅白二色 麗

春花 金絲桃 露花 山蘭 風蘭一名吊蘭廣州

志云花從葉心抽出雙朶懸於簷前不著水土自然繁

茂 □花出河池倒垂高巖下粵述云石上生二種黃

花三四月間倒掛高巖之下遠望如金鋪可喜取植軒

砌次仍復璀璨其花宛一小金蓮而蕊際黃絨蒙茸如

繡其枝幹似木賊而大節間另生枝葉葉如百合兩兩

排比枝末又生細根知葱鬚抱裹節上一似寄生者土

人名屈子花偶讀說文蕤字音乎五切黃花也大似此

種 玉葉金花粵述云一種野花葉如紫蘇花如丁香

作老黃色當吐薈時叢包之外先出數葉其白如粉詢

之士人不知何名按白孔六帖有金枝玉葉此花當名

玉葉金花頗亦雅馴 香飯花花可染黃色飯葉可鬧

魚嗅之鼻卽出血粵述云葉如棠棣花如眞珠二月節

開其香幽靜而甜過於玫瑰茉莉甚遠土人用以染飯

作黃色以供祭祀謂之香飯花以形義論之殆卽釋氏

云苾芻者耶 龍髯花嶺南雜記云色赤形似秋海棠

中心垂絲裊裊如龍髯商盤龍髯花詩托體原龍種留

髯在馬塍小臣攀未得仙館捋何曾朝暮霞光絢青

紅海氣蒸誰教籬下寄雲路不能升 雁來紅葉如

穗穗子並與雞冠同九月鮮紅望之如錦又有六月紅

者名十樣錦 史君子花出各土司虞衡志云花蔓生

作架植之夏開一簇一二十花輕盈似海棠 龍爪花

鳳尾花 黃草花卽木斛紫色形如蝶翅 九里香
花其香噴遠 玉棠春 素馨形如茉莉重瓣香清
百合生野山嶺中 夕陽紅 粉團 茨梅花若玫瑰
而遜其香 羊奶花香頗幽遠 黃薑花色頗嬌嫩
剪刀花葉如尖剪花似蝶翅 鹿葱 簷蔔俗名梔子
花 菖蒲

草類 都管草虞衡志云一莖六葉辟蜈蚣蛇本草云苗
高一尺許歲長一節 相憐草周密癸辛雜志云南丹
州山中產相憐草媚藥也或有所屬密以草少許擲之
草心著其身不脫彼必相從而不捨嘗得試輒驗後爲
徐有功取去 千張紙一名木蝴蝶似山皂莢而長剖

之紙瓢片片飛出如蝴蝶土人云焚瓢照小兒可以發
痘商盤千張紙詩贈貽九萬牋舊傳王內史豈知片莢
中藏得千張紙煩他吳彩鸞寫韻霞光裡 霸王鞭
形似鞭可種爲籬其汁俗以釀酒商盤霸王鞭詩重瞳
蓋世雄夜帳聞詞起鞭亦一人敵不救陰陵死籬落
有英名欲返江東恥 仙人掌無枝葉青嫩而扁厚
有刺每層數枝杈枒而生商盤仙人掌詩我聞漢宮盤
上有金莖露仙掌幾時留銅人已非故春風透指尖
綠徧蠻村路 油葱形似水仙而厚葉中有汁如油
婦人用以澤髮 喝呼草榦小而直上高可四五寸頂
土生稍橫列如傘狀葉細生稍兩旁有花盤上每逢人

大聲喝呼則旁葉下翕故曰喝呼草然隨翕隨開或以指點之亦前翕後開草木中之靈異者也俗名懼內草商盤懼內草詩此草趨時尙垂頭偃短籬胭脂難避虎哮吼况聞獅指佞安能及忘憂未可期剛柔應自審不要疾風知 掃帚草卽苕小葉其枝叢生一名雞兒木 甘露藤那地土州出本草綱目云藤蔓如筯人服之得肥一名肥藤 馬鞭草莖方葉細味苦入藥 雞母草塗箭射禽鳥立死 斷腸草一名苦蔓藤形似黃精其花姣好似芙蓉太白詩云昔作芙蓉花今爲斷腸草本此羊食此草肥故人中其毒者用羊血灌治或以伏卯未生雛者細研之和香油灌治或以狗屎調水灌治必令吐出方愈 羊角紐各土司皆出卽斷腸草之類

按尋常百草不能悉載右略載其異者

木類 黃楊樹天河永順皆出造作器用最佳 鐵力樹性最堅緻 桃榔木高者四五丈大四五圍皮有毛似棕櫚而散生質堅如鐵葉似蒲破之中有粉饑年可食人呼爲桃榔麪 杪樹與杉同類尤高大葉尖成叢穗少與杉異月山叢談曰思恩荔波二縣西北界上與貴州爛土黎平諸夷相接不通王化有美杉生山下山頽壓覆不知幾千百年矣夷云是諸葛丞相伐而埋之雖未盡然亦兩漢先秦時物也夷人每候其地有紫氣上

騰則羣聚穿土輒得之紫色堅類牛角投於水卽沈解
爲棺出市之恨薄而且短以道險出之難也 穀樹卽
楮也各屬俱有皮可造紙 蚊子樹嶺南錄異云樹如
冬青實如枇杷熟卽折裂蚊子尋飛惟存皮殼 密樹
出河池六甲里大石崖上色黃堅緻有花紋可作壽棺
虎斑樹河池出文理似虎斑 柘音鐸樹木性堅細而
黑作几櫬佳 櫟樹性堅如鐵極堅久 長齒樹作櫟
佳 相思樹本草云樹高丈餘葉似槐花似皂莢莢似
扁豆子大如豆半紅半黑土俗以之餽首 樟樹錯縱
有文理可用雕刻 紫榆樹 苦楝樹 實梗樹 赤
膊樹 歹樹 黃泡 楸樹 榕樹易生易長有根在
半崖身附幹而下以入土者故有榕樹搯生根之謠嶺
南雜記云年久者常結伽南香焚之致鶴植於水際其
子可以肥魚其鬚製藥可以固齒其脂可以貼金接物
與漆相似枝曝乾爲炬風雨不滅 椿樹 林檎 烏
榕 檣樹 泡樹不耐久 欒樹 桐樹 冬青俗呼
山蠟樹 蠟樹放蠟虫於上卽生白蠟 山桃樹 狗
龍樹 柳樹 柏樹 楓樹老則生癭瘤巫取之作術
有通神之驗 檜樹 梨樹 松樹 槐樹 桑樹
棕櫚皮中毛縷如馬鬣其用甚溥 栗樹 漆樹 荔
枝樹 白棉樹出白土山中作轎扛佳 楠樹青黃二
種惟造獨木船可用 牛筋樹 牛角樹 木腰子商

盤木腰子詩腰爲身之中木乃肖其狀成器歸琢磨
瑤瑤不相讓蠻雲深更深拾子層崖上 影木有花
紋可作器皿東蘭土州出

竹類 觀音竹俗名樓竹皮葉似棕櫚細者可爲烟袋粗
者可爲扇骨及各器皿色黑質沉 朱竹產猺峒深箐
中未見日 筋竹堅厚利可爲矛出猺峒 猫竹大可
爲柱小可爲紙 大頭竹節密肉厚 紫竹 豆竹
南竹 泡竹 白竹 金竹 苦竹 唐竹 單竹
弔絲竹 籬竹 刺竹 四方竹出鳳山峭
以上植物

羽類 雞思農尤大有重十餘斤者 鶩 鴨火抱雞抱

慶遠府志

卷八

食貨志物產

二十一

二種東蘭木鴨有重八九觔者 鷓鴣 山雉 鷺鷥
杜鵑一名子雋 斑鳩 鷹 鷓子 鷓鴣 黃鶯
一名黃鸝 靈雀 燕子 瓦雀俗名麻雀 鸚鵡
白鷗 竹雞 山呼 鸛 水鴨 鴛鴦 鶚 伯勞
河池謂之青楊猺人呼吉塞吾 鴿 鷓鴣俗謂淘河
喙長數寸領下胡大如數升囊羣飛入水食魚一名洿
澤 練雀 白頭翁 鶻 火老鴉 鷓鴣卽八哥
畫眉 金錢雞深山間有亦罕見 金雞卽野雞身翎
五色 鸚鵡卽鴟也 鵠 鵝 鳴鳩 蠟嘴 鷓
鵝鳩 鵲鴿 鳧卽水鴨 口 百舌 四喜 鷓鴣
鸞 烏鳳永順土司出 蚊母鳥卽吐蛟鳥各土司

出異物志云五嶺溪山深處有大鳥如鶴鷓捕魚而食嘗鳴蚊輒從中口飛出謂之吐蚊鳥俗傳採其羽爲扇可避蚊

毛類 牛 馬 豬 羊 犬 虎 豹 熊有人馬豬

狗數種掌肉甚美 豺 鹿 麀似鹿無角而小 鹿

麝 狸俗名野猫尾長大捕雞食之 猴山峒中有

猿 山猪形如家豕 箭猪毫粗如箸長三四寸能

射人 步狗 山羊血入藥治癆瘵傷血常食三七葉

者更佳 兔足前矮後高形頗似犬黑白二種 水獺

山獺桂海虞衡云出宜州溪峒俗傳爲補助要藥峒

人云獺性淫毒山中有此物牝獸悉避去獺無偶抱木

慶遠府志

卷八

食貨志物產

二十二

而枯峒獠尤貴重云能解藥箭毒中箭者研其骨少許敷治立消一枚直金一兩人或求買但得殺死者功力甚劣 鼠 猫 香猫種無雌雄其陰陽自爲一體

飛虎 狐 麋 狼 黃麋

鱗類 鯖魚胆可入藥出天河 草魚 鯉魚有赤烏二

種 鯽魚烏白二種 鱧魚長如小蛇色黃 鱗魚

泥鰱形如鱧微黃而短 塘虱俗名塘角 青竹魚

鱖魚 藍刀魚不大多刺 鈎魚味美 鰻魚 搶魚

美味性搶上水 老鼠魚形如鼠出天河 條魚形如

鰕魚而粗肥味美 七星魚身有星点 斑魚有斑

骨魚無鱗多骨 建魚無鱗肉粗 鱣凝音魚色黃口大

無鱗 金魚 甲魚 半截魚出東蘭土州 海船釘
出忻城清水河 穿山甲有足尾鱗甲善穿穴

蟲類 蝦有龍頭小蝦二種 蟹小而硬 螺有山水田

三種 蚌 蚌蛇色青白大者如桶長數尺 蟒 青

蛇極毒 地鞭 地蠶一名無頭鮓形如蠶生深山僻

處獠人取以爲鮓食之可禦寒 蝮蛇螫人手足卽斷

烏風蛇遇人卽吹風亦毒 紅蛇在滋泥中 青稍

蝮蛇極毒 兩頭蛇縮跳咬人最毒間有 雞冠蛇

有冠四足 壁虎卽蜥蜴一名守宮 蝦蟆俗名蟆拐

又名田雞大者可食 南風拐天河由巖中出用以作

羹頗鮮 蜈蚣一名螂蛆 蚯蚓 蚊細如塵出河池

慶遠府志

卷八

食貨志物產

土人呼納吝 蜘蛛 蚱蜢 蜜蜂 黃蜂種類不一

黑蜂 蝴蝶 螳螂 蜂蟻 蠅有蒼赤二種 蟲

卽蚊也 斑猫 稻虫形似蠶青色最爲農害 螢有

水草二種 蟻有大小赤白黃黑各種 青蛙 螞蝗

有山水二種山蝗能飛咬人 蜻蛉 蝎 蠅虎 蜓

蚰 蟻蠓卽蠅蝸 蛻娘 蝸牛 蝓水蟲 絡國卽

絡緯以聲相似 蝨卽蛀虫 螭蟻卽細腰蜂 蛭蚤

飛蚤 螻蛄 螞蟥 鐵線虫如小曲螭頭扁遇物

以身圍匝卽斷 金龜虫甲虫也五六月生於草蔓上

死則金色隨滅如螢光然粵西偶記云金龜虫大如黃
豆頭甲足尾宛然龜也色如赤金多生扁豆葉上赤能

飛乾之可爲婦人首飾

以上動物

材用 棉花 苧麻 赤麻 土布寰宇記云宜州土產

都洛麻狹幅布 黑布天河出婦自染黑透入裏至敝

不變色 手巾出東蘭者佳詳地志風俗 土錦忻城出詳地

里志風俗 獠錦各屬皆有 獠被五色斑斕惜甚短 藍

靛 黃草永順等土司出可以染色可以入藥 紫草

香草 馬蹄香永順及獠峒出質重頗能沉水爇之

氣味清馥 降香出思恩縣 金藤鶯黃色生深山陰

濕處中心菊花作箸辟瘴 藤櫬出永順以整藤盤梅

花瓣作坐具而網藤絲攜之甚輕便 櫻竹箸 櫻竹

慶遠府志

卷八

食貨志物產

二十四

杖 竹笠極細密少年婦女戴之 皮紙 薯糧形如

柚子蔓生可以染色 象眼布南丹出 鳥章卽土絹

赤雅云集鳥毳之精織成文章者謂之鎖袂粗者市於

獠矜謂鶯蜀 獺皮 豹皮 皮篔 口皮用生牛皮

在學宮前塘內泡浸製作草篔椅篔繪以五采加以油

漆華美可觀 飛鼯皮 蠻弩虞衡志云蠻弩諸峒獠

及西南諸番其造作略同以硬木爲弓樁甚短似中國

獵人射生弩但差大耳 藥箭以惡毒蛇虫配草藥盛

罐中俟爛取以塗箭被傷立死 獨木般天河思恩人

造按弩箭船並詳地志風俗 獠刀 峒刀 蠻刀嶺外代答云

獠刀雖無文飾然亦銛甚左右江峒與界外諸蠻刀相

類刃長四尺而靶二尺一鞘而中藏二刃蓋一大一小
焉靶之端爲雙圓而相並峒刀以黑皮爲鞘黑漆飾靶
黑皮爲帶蠻刀以褐皮爲鞘金銀絲飾靶朱皮爲帶
以上用物

藥材 何首烏東蘭州及猺峒出有赤白二種 山豆根
苗蔓如豆葉青經冬不彫石鼠食其根嶺南人捕鼠取
腸胃曝乾解毒攻蕪效 三七南丹那地永順三土司
有莖七葉三故名 草犀那地州出獨莖對葉形若燈
臺根若細辛解毒則功若犀角 鶯抱出宜山河池本
草綱目云蔓似大豆附石而生其根形似萊菔大者如
三升器小者如拳能解蠻箭藥毒 白朮 土人參

慶遠府志

卷八

食貨志物產

二十五

土茯苓 水蘿蔔治絞傷痧及泄瀉 馬檳榔能驅瘴
天門冬 麥門冬 香附 白芨俗名鷓鴣飯土人
用以漿棉紗 金櫻子可熬糖 黃薑 紫蘇 蘇子
金不換舊云三七草非 石葦 薄荷 砂仁 草菓 獨
脚連 千年健出各土司永順長頗佳 青箱 芭荳
木鱉子磨醋塗瘡良 黑丑 牽牛 金銀花 葛
根 石斛 五倍子 鑽地楓 五加皮出大曹驛良
馬兜靈 草艾 皂角 半夏 夏枯草 木賊草
乾山藥 草決明 山茨菰 車前子 茱萸 茴
香 黃柏 山梔子 錦地蘿出山巖中根似葶藶土
人重之 荳蔻 枸杞 蛇床子 天竺黃 山椒

槐角 香薷 無名異本草云出宜州生於石上形似
石灰嚼之如錫大者如彈丸小者黑石子能收濕氣消
腫毒癰疽 雄黃河池出 石鍾乳 石膏宜山出
硝忻城多 赤石脂本草云宜州諸山出以色理鮮膩
者爲佳 麝香 蛇蛻 蟬蛻 白蜜 黃蠟 口結
出各土司 山羊血 熊胆 蚺蛇胆 青魚胆天河
出

以上藥物

礦廠

唐

唐書地理志曰宜州有丹砂

慶遠府志

卷八

食貨志 礦廠

二十六

宋

寰宇記曰宜州富安砂監采硃砂一千八十觔 撫水
州有固屑揚出硃砂

通考云建炎四年罷宜州歲市硃砂二萬兩

粵西叢載曰宋宜山縣有寶積監在城西二百五十里
乃河池州西境設監官一員管坑戶穴地深五六丈或
至十餘丈取礦砂入爐煉一晝夜始成鉛汁又入小爐
再煉之始成銀以充貢時己未歲其坑崩陷坑丁皆壓
死遂罷不敢採監廢今地皆屬土官又有玉田場在城
西南一百五十里爲河池州東北境設官管坑丁採礦
以貢皆如寶積監旋亦廢又有富安監在城南一百六

十五里設監官管坑戶採砂以貢其砂脈廷綿白石中坑戶以火燬石鑿而取之得砂凡四等大則顆瑰次則箭頭又次則顆粒餘皆未砂價以是爲等差自後猺賊叛亂坑丁逃散砂脈亦盡監遂罷不採又有樂耕場在府西北二百三十里去普義寨五里設坑丁開鉛坑以應經略司取需後以猺獞叛亂坑戶逃竄遂罷不採而場亦廢

桂海虞衡志曰丹砂本草以辰砂爲上宜砂次之今宜山人云出砂處與湖北大牙山北爲辰砂南爲宜砂地脈不殊無甚分別宜砂老者白色有牆壁如鏡生白石牀上可入煉勢敵辰砂本草圖經乃云宜砂出土石間非白石牀所生卽是未識宜砂也別有一種色紅質嫩者名土坑砂乃是出土石間者不甚耐火

明

續通考曰永樂十五年有言廣西南丹州礦發者命內臣開采歲餘得金九十六兩旋變爲錫乃止

南丹州錫廠任百姓開采

國朝

會典載廣西等省產黃金白金赤金錫鉛鐵水銀丹砂雄黃皆招商試采礦旺則開竭則閉賦入視出產之多寡歲無常數

一統志曰河池南丹那地三州出錫

天河縣段峒廠長峒廠俱產鐵

河池州蔡村廠產銀礦今廢

高峯廠產錫今廢

响水廠產紅銅今封

南丹廠掛紅廠產銀錫

長坡廠產錫礦

思恩盧架幹峒二廠產黑白鉛今封

霸連遙廟冷峒厚峒四廠產鐵

南丹土州宸紅廠產土砂可煉水銀今廢

按各礦廠當與經政志稅課門參看

土貢

慶遠府志

卷八

食貨志 礦廠

二十八

宋

九域志曰宜州龍水郡貢銀十兩

大中祥符二年罷宜州歲貢藥箭

明

廣西土司例有貢馬嘉靖四年勘合折銀貯庫以備買馬應用東蘭州下等馬二匹每匹折銀十貳兩南丹州中等馬一匹折銀十八兩下等馬一匹折銀十二兩那地州中等馬一匹折銀十八兩下等馬一匹折銀十二兩

國朝

慶遠府歲辦胖襖九十九副零魚線膠四十五觔十

兩三錢三分 翠毛七十五個零 翎毛二萬六千四
百二十四根零 生銅二十二觔八兩八錢七分 熟
鐵二百二十七觔一兩七錢二分二釐零 黃麻六十
二觔七兩六錢三分九釐零 零陵香蓬朮草菓三味
共三十觔三兩八錢八分六釐零 砂仁滑石官桂姜
黃雄黃山豆根丁香乳香沒藥犀角片榴十一味共四
十三觔三兩五分二釐零

按以上各物康熙間折征銀兩後併歸地畝項下
詳經政志田賦條

南丹那地二土州各貢馬二匹半共五匹每匹折銀十
二兩乾隆二年每匹減銀四兩定爲八兩

慶遠府志

卷八

食貨志土貢

二十九

忻城土縣歲辦土錦四色長連二十端裝潢銀四十六
兩一錢零由府解繳鹽法道轉呈道光三年三月奉
旨停免

永順長土司歲采辦生千年健三百觔繳府烘製揀擇
粗大者剪齊長一尺二寸貢健九觔撲貢一十八觔表
潢銀十七兩零解繳鹽法道轉。嗣因健產於石罈易
生難長辦不合式乾隆三十八年准該土司折解價銀
五十兩繳府差往南寧府城買辦

墟市

按墟市乃百貨聚場不能悉載茲於土物盛出處
特爲拈出

宜山縣

南墟本城南關外逢子午卯酉日爲趕期夏月豆麥盛聚

東關墟本城東關外南臺墟在三界廟前今合南墟爲一

雜西墟縣東三十里逢辰戌丑未日爲趕期稻穀出處

雜東墟縣東四十里逢寅申己亥日爲趕期

龍頭墟縣北十五里逢辰戌丑未口爲趕期雜糧聚處

龍塘墟縣東北四十里逢寅申己亥日爲趕期

天喬墟縣東北五十里今廢

詳時事異聞

獨山墟縣西二十里逢寅申己亥日爲趕期豆麥出處

慶遠府志

卷八

食貨志墟市

三十

懷遠墟縣西四十里逢子午卯酉日爲趕期乃闔郡水

陸交會處油糖出處紙爆馳名

德勝墟縣西八十里舊有所墟今合爲一逢寅申己亥日爲趕期酒烟馳名

西太平墟縣西六十里近年新立逢辰戌丑未日爲趕期

木菜墟縣西六十里逢辰戌丑未日爲起期

索敢墟一名青安墟縣西八十里逢辰戌丑未日爲趕

期山貨聚處

安馬墟縣西七十里逢寅申己亥日爲趕期

水峒墟縣西上青里今廢

東江墟縣西一百二十里逢三八日爲趕期馬蹄香山
貨出處

喇稿墟縣西一百里逢三八日爲趕期棉花出處

維巖墟縣西南二十里逢辰戌丑未日爲趕期桐油出
處

南太平墟縣南二十里逢辰戌丑未日爲趕期豆麥出
處

石鼈墟縣南四十里逢寅申己亥日爲趕期棉花黃草
聚處

屯蒙墟縣西南四十里逢子午卯酉口爲趕期牛聚處
山灣墟初名雙排又名永清縣西南三十里嘉慶間新

立逢寅申己亥口爲趕期

冷水墟縣西南四十里嘉慶間今廢

大安墟縣西南四十里嘉慶間新立逢寅申己亥日爲
趕期

下韋墟縣南二十里逢辰戌丑未日爲趕期

鷺山墟縣西南三十五里逢子午卯酉日爲趕期佳木
料出處

高泉墟縣南清潭里縣丞分駐逢子午卯酉日爲趕期
南鄉墟縣南南鄉里逢子午卯酉日爲趕期稻穀出處

三岔墟縣東南南鄉里逢寅申己亥日爲趕期

龍灘墟縣南南鄉里

襖峒墟縣南窰灰里逢辰戌丑未日爲趕期五梧子出處

馬駟墟縣南功德里逢寅申己亥日爲趕期

白牙墟縣西南七十里龍門司分駐逢辰戌丑未日爲趕期

白山墟縣西南六十里逢辰戌丑未日爲趕期篾蓆出處

白土墟縣西南一百四十里白土司分駐逢三六九日爲趕期烟葉馳名

天河縣

東門墟縣東門外逢辰戌丑未日爲趕期

慶遠府志

卷八

食貨志墟市

三十二

牆背墟縣南舊里逢子午卯酉日爲趕期木料聚處

古隆墟縣南舊里逢辰戌丑未日爲趕期雜糧出處

四把墟縣東上思盧里逢子午卯酉日爲趕期土布出處

下里墟縣東下里逢寅申己亥日爲趕期黑布出處

古羅墟縣北古羅里逢子午卯酉日爲趕期

喬善墟縣北古黎里逢子午卯酉日爲趕期

洞見墟舊志作棟見縣西歸化里逢辰戌丑未日爲趕期棉

花出處

歸仁新墟縣西歸仁里逢寅申己亥日爲趕期

大把墟縣西歸仁里逢三八日爲趕期木耳聚處

河池州

東關墟州東南蘭江里

紅紗六墟州東英羅里逢一六日爲趕期

嘉禾墟州東都銘里

智本六墟州南智本里逢一六日爲趕期

籠春墟州東南平林里

五墟州東南平林里逢五十日爲趕期

長腦墟州南下里

德蓋墟州南江邊里

塞勾墟州西南安邊里

坡德墟州西南三旺里

慶遠府志

卷八

食貨志墟市

三十三

暮拐墟州西南三旺里

德河墟州南鎮南里

九墟州南鎮南里逢四九日爲趕期

鎮西墟州西如來里

九墟州西如來里逢四九日爲趕期

寨敖墟州北河池里

官村墟州北惟建里

思恩縣

婆廟墟縣西門外亦名西門墟逢一六九日爲趕期

西里頭墟縣北十里逢二八日爲趕期

水源一墟縣東北四十里逢一六日爲趕期沙皮紙料

出處

洛降二墟縣西四十里逢二日爲趕期布牛聚處

牛峒四墟舊各坡墟縣北六十里川山甲逢四日爲趕

期牛馬聚處每歲粵東督標將軍標委員到此買馬

上疔四墟縣北五十里逢四日爲趕期

溫平五墟縣西五十里逢五日爲趕期山貨聚處

下疔六墟縣北七十里逢一六日爲趕期木料出處

茅難六墟縣北一百里逢六日爲趕期

石狗七墟今移縣西南十里羅家村逢七日爲趕期

下維七墟縣東北四十里逢七日爲趕期

上疔八墟縣北九十里逢八日爲趕期

慶遠府志

卷八

食貨志墟市

三十四

安順九墟縣北三十里今改立譚村逢九日爲趕期

思爛九墟縣西三十里逢九日爲趕期木料沙皮出處

上北墟縣北三十里逢十日爲趕期油鹽出處

思恩墟縣北地蒙村今廢

都喇墟縣北川山里

東蘭州

東院墟州城廂內逢五十日爲趕期

拐石墟州西三十里東院哨逢二七日爲趕期

玩石墟州西八十里東院哨逢四九日爲趕期

泗孟墟州東三十里蘭木哨逢四九日爲趕期

蘭木墟州東四十里蘭木哨逢二七日爲趕期

那雷墟州東北四十里隘峒哨逢二七日爲趕期

停筆墟州東北四十五里隘峒哨逢三八日爲趕期

喇板墟州東六十里隘峒哨逢三八日爲趕期

莫廣墟州東三十里都彝哨逢一六日爲趕期

坡豪墟州東北六十里都彝哨逢二七日爲趕期

大峒墟州東八十里都彝哨逢一六日爲趕期

蘭陽墟州北四十里長江哨逢子午日爲趕期

達莫墟州北五里長江哨逢一六日爲趕期

懷馬墟州南四十里武篆哨逢二七日爲趕期

舊平墟州西六十里武篆哨逢三八日爲趕期

江平墟州西南七十里武篆哨逢五十日爲趕期

慶遠府志

卷八

食貨志墟市

三十五

南丹土州

州墟州北一里本州哨逢辰戌日爲趕期

小場墟州北二十里本州哨逢己亥日爲趕期

河邊墟州北二十里本州哨逢子午日爲趕期

打錫墟州東二十里本州哨逢寅申日爲趕期錫聚處

巴城墟州東二十里本州哨逢二七日爲趕期

牛欄場州北三十里本州哨逢二七日爲趕期草蓆出

處

五塘墟州東六十里本州哨逢一五日爲趕期山貨聚

處

八墟州東六十里本州哨逢三八日爲趕期山貨聚處

八鋪墟州南八十里本州哨逢三六九日爲趕期
羅富場州西南四十里羅富哨逢己亥日爲趕期
移周墟州西北三十里移周哨逢卯酉日爲趕期
忙場墟州西北五十里移周哨逢寅申日爲趕期
拉右場州西北五十里央哨逢子午日爲趕期
者遠墟州西北八十里者遠哨逢卯酉日爲趕期
巴定墟州西北一百一十里者遠哨逢己亥日爲趕期
拉堡場州北一百五十里北妖哨逢辰戌日爲趕期棉
花布聚處
黃江墟州西六十里皮僚哨逢辰戌日爲趕期牛馬羊
聚處

羅騰場州西北八十里皮僚哨逢己亥日爲趕期
龍羅墟州西一百里並哨逢寅申日爲趕期
內袍墟州西一百二十里並哨逢卯酉日爲趕期棉花
米聚處
牙冷墟州西一百八十里劍休哨逢寅申日爲趕期
化良場州西一百八十里劍休哨逢卯酉日爲趕期桐
油出處
拉勤場州西二百里劍休哨逢卯酉日爲趕期棉花出
處
巴坪場州北七十里巴坪哨逢丑未日爲趕期
董容墟州北一百二十里巴反哨逢丑未日爲趕期

蠻細墟州北一百八十里巴峩哨逢辰戌日爲趕期

甫上場州北二百里巴峩哨逢子午日爲趕期山貨出處

巴峩墟州北二百一十里巴峩哨逢卯酉日爲趕期棉花布山貨聚處

六寨墟州北一百里六寨哨逢子午日爲趕期馬聚處里湖場州北五十里者勤哨逢卯酉日爲趕期布蔴黃草五梧子出處

甲木場州北七十里者勤哨逢寅申日爲趕期欄峒場州北七十里者勤哨逢丑未日爲趕期山貨出處

慶遠府志

卷八

食貨志墟市

三十七

巴桃場州北八十里者勤哨逢寅申日爲趕期木耳山貨聚處

統旺場州北一百里者勤哨逢卯酉日爲趕期藍靛出處

九墟州北八十里者勤哨逢四九日爲趕期山貨出處
那地土州

坡谷場州北思廉哨逢寅申日爲趕期

六排場州北加延哨逢丑未口爲趕期

都龍場州北北旦哨逢寅申日爲趕期

邱尼場州北巴暮哨逢卯酉日爲趕期

吾隘場州東南吾隘席逢子午日爲趕期

古王場州東南古王席逢己亥日爲趕期

三部山場州東南

籠邦場

束蘭土分州

鳳山墟分州西鳳山哨逢辰戌日爲趕期烟葉佳

喇巢墟分州西鳳山哨逢子午日爲趕期硝出處

長峒墟分州西鳳山哨逢己亥日爲趕期

周架墟舊名狗架分州東芝山哨逢寅申日爲趕期麻通草

出處

喬興墟分州北芝山哨逢卯酉日爲趕期影木四方竹

棉花出處

慶遠府志

卷八

食貨志墟市

三十八

大峒墟分州北芝山哨逢己亥日爲趕期木耳出處

老棚墟分州北芝山哨逢丑未日爲趕期木耳漆出處

巴腊場分州北芝山哨逢子午日爲趕期蕨粉出處

砦牙場分州東長里哨逢己亥日爲趕期蓆出處

時勿場分州南黎喇哨逢三日爲趕期

甲孝場分州南黎喇哨逢三日爲趕期

忻城土縣

縣前墟舊名交椅墟逢子午卯酉日爲趕期土錦出處

寧江墟縣西十五里大寧里逢辰戌丑未日爲趕期

喇營墟縣北二十五里廣勝里逢辰戌丑未口爲趕期

龍歸墟縣南二十里龍歸里今廢

弄懷墟縣北十里古尙堡逢二五八日爲趕期

思練墟縣東六十里思練堡逢三六九日爲趕期百合粉出處

古萬墟縣南八十里古萬堡即今古堡逢一四七日爲趕期

大塘墟縣東八十里同其堡逢一四七日爲趕期

毛峒墟縣南

乾竹墟縣東一百里板羅堡新立逢口爲趕期

永定土司

司前墟司治前逢寅申己亥日爲趕期

梅峒墟一名永安墟司西黃璉甲逢辰戌丑未日爲趕

慶遠府志

卷八

食貨志墟市

三十九

期

蒙利墟司東羅富里逢辰戌丑未日爲趕期

永順長土司

司前墟司治前逢二五八日爲趕期

喇營墟司東七十里逢一四七日爲趕期

喇利墟舊名冷定墟司東九十里逢四九日爲趕期

龍頭墟司北八十里逢二五八日爲趕期

喇浪墟司北一百二十里逢一四七日爲趕期木耳山

貨聚處

美六墟司西一百九十里逢三六九日爲趕期

永順副土司

三合墟司東南五里逢辰戌丑未日爲趕期
婆廟墟司東北五里今廢